

湖北詩徵傳略

湖北詩徵傳略卷三十九目錄

歸州

漢

王 璫

唐

繁知一

釋懷濟

國朝

向鴻翥

向國庠

王正笏

王樹桐

長陽

明

彭世璣

劉正甲

國朝

饒世桀

馮廷鎬

劉 珏

譚 楚

彭 淑

李宗瓚

萬華

譚大勲

彭人檀

李鴻敏

兩濟

楊福煌

關 福

饒錫光

興山

國朝

彭光烈

李華

巴東

唐

巴佚民

明

楊遇春

向九州

維時

朱相

登用

司世教

湯相

譚祿

國朝

柳大蔭

長樂

明

田九齡

張之綱

田

元

子既霖

田圭

商霖

國朝

田甘霖

子舜年

田泰斗

鶴峯

國朝

龔傳瑜

邵生雲

田福康  
田士選

李靜安  
田玉璣

毛峻德  
洪光燾

湖北詩徵傳略卷三十九

歸州

孝感丁宿章星海輯 子璿校字

西漢

王

嬙

李昭君

嬙元帝官人也帝令毛延壽等圖畫後官按圖召幸官人多賂畫工昭君不與及匈奴入朝選官人配之昭君以貌醜當行入辭帝見之悔恨不及毛延壽等即日棄市

西京雜記

昭君冢在歸化城東南黑河峯胡中地多白草而冢草獨青

歸州

經圖

范史南匈奴傳載昭君入官不得見御因單于求女乃自詣掖庭令求行與匈奴生三子而呼韓邪死其前關氏子欲妻之昭

君上書求歸成帝勅令從俗復爲後單于關氏與西京雜記毛  
延壽昭君索賂之說不符前漢書亦云單于長子雕陶莫皋立  
復妻昭君生三子惟琴操言嬙南郡王穰女端正閑麗足不窺  
門年十七進于宮未及見御會欲賜單于美人嬙越席請往後  
不肯妻其子吞藥自殺初潭集亦載之未知孰是

昭君怨詩將出塞時作也詩云秋木萋萋其葉萎黃有鳥處山  
集於苞桑養育毛羽形容生光旣得升雲上遊曲房離宮絕曠  
身體摧藏志念抑沈不得頡頏雖得委食心有徊徨我獨伊何  
來往變常翩翩之燕遑集西羌高山峨峨河水泱泱父兮母兮  
道里悠長嗚呼哀哉憂心惻一作傷沈歸愚謂若胡訴入胡之

苦不特說不盡說出亦淺呼父呼母聲淚俱下視石季倫擬作瑣屑不足道矣

尤西堂曰世人多作昭君怨予獨非之觀胥奴遣使請一女子帝謂後宮欲至單于者起昭君喟然而歎越席而起其毅然勇往略無難色所以媿漢天子而實毛延壽之罪也假使昭君終不自薦一白頭老官人耳卽幸而被幸如戚夫人且害于呂雉如班婕妤且擯于趙飛燕豈若可汗闕氏夜卽自大戡虬髯客甯王扶餘不與褒鄂比肩亦雞口牛後之意也後如御溝紅葉戰袍金鎖巧慧女郎多用此法不然上陽長信埋沒紅顏者幾何內人斜冢纍纍何如三尺青墳尙供古今才人歎歎憑吊也

哉

唐  
繁知一

白樂天除忠州刺史自峽沿流赴郡時秭歸縣繁知一聞樂天將過巫山先於神女祠粉壁大書曰忠州刺史今才子行到巫山必有詩爲報高唐神女道速排雲雨候清詞白公覩題悵然邀知一至曰歷山劉郎中禹錫三年理白帝欲作一詩於此怯而不爲罷郡經過悉去千餘詩但留沈佺期王無競皇甫冉李端四章而已此四章者乃古今之絕唱也與繁生吟讌而濟卒不賦詩

釋懷濬

唐乾甯初秭歸有草聖僧懷濬知來藏往皆有神驗愛草書或  
經或釋或老子至於歌詩鄙瑣之言靡不集其筆端與之語呵  
唯而已里人以神聖事之刺史于公以其惑衆繫而詰之以詩  
狀云家在閩山東復東其中歲歲有花紅而今不在花紅處花  
在舊時紅處紅家在閩山西復西其中歲歲有鶯啼如今不在  
鶯啼處鶯在舊時啼處啼郡牧異而釋之釋其詩意殆海上之  
飛仙乎

北夢瑣言

國朝

向鴻翥

號小華山  
子拔貢生

游大慈寺云古寺曾隣宋玉家江濤門對碧蓮花雲含牛角峯  
頭雨日射雞籠岫外霞幾卷經殘思白馬數層塔迥集烏鴉貪



看山色歸來晚屢乞禪堂獻佛茶屈子祠云直欲排雲闕  
嗚呼鳩媒何事妒鴻儒賢徒幾輩騷相祖令姊千秋祀與俱白水鳴  
心終自潔丹心貫日究非誣至今祠宇從清烈忠節猶堪起懦  
夫弔昭君云嫵媚眉痕認遣山昭君毓秀此村開金釵信可安  
沙漠鏃甲何勞守玉關曾自曲中傳素願休從書裏憶紅顏若  
教內治垂徽範漢史修成不讓班步陳刺史昭君怨韻云請行  
壯志有誰同臨別豐容動六宮自嫁單于知命薄不因延壽致  
途窮心源抱赤天垂鑒塚草含青地顯忠持節馮媛堪並美錦  
車來往朔庭空

向國庠

號謹齋  
拔貢

西陵云清波溪遠曉烟凝萬壑東來勢鬱嶒一路輕舟依石轉  
猿聲聽盡是西陵又瓦牕漏月知雲散木葉呼風疑雨來句甚  
清越

誦

王正笏

拔貢

河南道中云路入中州沙磧荒輪蹄磨碎客心長故宮禾黍前  
朝殿廢壘烽煙古戰場白水涓涓佳氣盡黃河滾滾大風涼信  
陵已去侯嬴少回首停車望汴梁

王樹桐

字琴軒咸豐舉人官同知有緣陰山館詩鈔

樹桐少穎敏嗜學工詩古文詞善六法才名藉甚公卿折節及  
由孝廉官蜀年已幾艾歸田後著述益富

詩經蜀僧雪堂所選刻者爲初集歸田自刻者爲續集雪堂評曰清遠似王孟而雄奇則蘓陸其寄興獨往妙自天生尤似禪家正法眼藏王螺洲評曰五古冲澹得之自然七古才力富健五律絕尤多高調其工者可驂駕初盛唐人間七律絕整贍雅錄圓警流暢可謂峻坂走丸長袖善舞者矣

佳句如高情屬霄漢離思渺滄洲天遠水雲淨花開鐘磬幽江流巴子國日落仲宣樓官閑猶作客臣壯不如人繞屋去陰分綠去隔江山色送青來一曲梅花雙管笛片帆風雨滿船秋客思不隨流水去離情翻比亂山多門無私謁客來少庭有餘閑花落多一種秋容癯似我十分風韻淡于人  
山色看當新

雨後書聲聽到夕陽斜容我讀書原是福與人謀醉不辭貧夾  
岸波濤回赤壁重陽風雨客黃州三更夜氣清如水一色天光  
碧到秋素琴三弄水雲淨孤鶴一鳴天地清雨餘竹徑添新笋  
風過柴門埽落花近水樓臺涼欲雨倚窗楊柳瘦于人縱令棗  
竹深留客未免梅花冷笑人皆清新雅健可似錦囊

陳烈婦詞云生同衾死同穴不同穴淚成血

解一眼中血指頭鐵

不可屈腸斷絕

解二

斷妾指代妾死冤今歸去如我以

解三

潭有水

瀾不起血泪啼痕長如此

解四

題紡燈課子圖云萬木盡蕭瑟空

階明月秋書聲出戶牖燈火隱蘭篝孤露悲黃口嚴霜滿白頭  
披圖慕慈孝長爲後人留題痛飲讀騷圖云天意已沉醉空山

落酒星三閭悲古調一盞惜餘馨書可隨時讀情難忍獨醒我  
家屈平里幽韻卻愁聽風便將歸辭友賞菊之約云花爲人留  
客風吹我別君今宵彭澤酒不碍共論文日落孤帆影秋空旅  
雁群大江東去水隔斷鶴樓雲別友之楚南云薄暮起風雨孤  
舟生晚涼與君江上別隔日是重陽白露侵衣薄青山笑客忙  
茲游殊草艸秋信寄瀟湘出京云到此成何事空嗟歸去來風  
霜雙鬢蝕歲月一鞭催失路渾如寄行歌且莫哀燕山連楚塞  
千里首重回竹下撫琴圖云大地驚烽火行囊剩却灰我思留  
客處誰與抱琴來離亂滄桑變奔忙歲月催披圖感時事幽興  
爲君開王郎云王郎天壤賦歸歟鳥倦知還翼未舒到處看山

雙蠟展開門謝客一蝸廬性情爭奈嵇康嬾禮法休繩阮籍疎  
樂與良朋相對飲南樓清話夜窗虛答劉愚安云落落襟懷只  
自知出山仍是在山時踈慵未改狂奴態清麗偏投幼婦詞太  
息劉蕡登第晚翻嫌陶令去官遲歸心好寄秋江水露白葭蒼  
慰所思屈大夫祠云澤畔行吟遠帝閭三閭心事向誰論地亡  
空自餘臣憤天問終難悟主昏祇許賈生堪合傳却憐宋玉爲  
招魂美人香草傳忠愛賴有離騷一卷存訪楊升菴故宅云西  
風落日太蒼涼薄薦蘋蘩寄慨長一哭同聲驚北闕千秋大筆  
付南荒簪花聊釋孤臣憤叢桂空留故宅香三百餘年老文獻  
至今猶說狀元坊

邑中有狀元坊

雪竹云六出雪花飛低歷萬千个消

風颯颯中定有高人臥過山莊云石徑傍山斜結茆三兩家門  
前溪水綠流出野莢花訪友云花下尋幽徑花迷路不通那知  
幽士宅卽在萬花中早行云板橋人跡往來稀獨着吟鞭馬上  
揮紅日未升清露滑滿山空翠濕人衣卽事云春來春去柴門  
靜花落花開小院幽一片白雲山下起被風吹過水東樓西陵  
峽櫂歌云千山千水朝白狗三朝三暮見黃牛黃牛白狗色如  
故灘上漁人多白頭舟過鴉磯云卽却征鞍泛小舟秋深孤渡  
蓼花洲可憐夜夜鴉磯月照送行人盡白頭暗蟲丙生云瞥見  
潘郎髩已絲老年同話少年時夷陵洗墨池邊水曾浣丹毫共  
賦詩

長陽

明 彭世璠

漫興云黃葉前村路何年此結廬行吟流水遠耽寂故人疎心  
事三更月風雲一卷書門前無俗客問字有停車

劉正甲

望香爐山云何年鍊金鼎縹緲結靈峰塞雁一聲過寒山深萬  
重晴開雲壑透瘦失午烟濃會約好奇侶相携訪竹筇

國朝 饒世渠

西陵云江流觸石浪成堆帶繞孤城實壯哉山勢遠從煙際東  
峽門高向日邊開累朝霸業埋焦壤萬古離聲走巨雷天險由



來藉人力時清不必問雄才石門洞云洞天關破一峰青中有  
仙湫地最靈谷應蚪鳴泉助響潭飛龍沫水餘腥懸巖會散崇  
朝雨碎石長留萬點星我欲求仙訪月峽鍊丹人去剩空亭

馮廷鑑

山行得句云我生有奇尙未許置邱壑茲行入山深亦且快心  
目山色多鮮明一一避平熟山背掩山面山頭枕山足長藤纏  
山腰險石破山腹巨山巍然尊小山俯而伏一山爲前驅衆山  
若追逐兩峰判陰晴半嶺互寒煥岩幽通古泉澗斷臥枯木高  
低形屢換橫側景不複千態與萬狀詎可數更僕嗟予本勞人  
輪蹄久碌碌此中得佳趣已占清閒福以詩紀其事愧未脫陳

宿誰與與方酣落筆搖五嶽

劉珏

貢生

珏少負雋才溺苦于學詩古文辭卓然成家而顛蹟場屋以老士論惜之

山行襍詠云一徑入層雲俯視但深黑參天松萬株拔地百千尺時聞啼鳥聲不見人行迹捫蘿踏秋月仄徑圍深松夜半聞清籟有鶴盤孤峯寂然招不下浩欲乘天風

譚

楚

字翹庵貢生官訓導

官山晚眺云數聲風笛起漁歌鼉渚西沙奈客何白鶴觀前芳草歇青龍寺外暮烟多詞人深致絲絲柳估客歸懷疊疊波欲

訪隋唐沿革地荒苔斷碣一摩挲

彭

淑

號秋潭乾隆舉人官知縣有秋潭詩集蟾芝集

淑善書工詩古文詞有治才官江右廿餘年所至有聲清慎自持不事奔競故僅以百里終

馮星實先生曰學欲博才欲瞻氣欲養膽欲鍊格律聲調欲變化揣稱皆詩人後天之事也求於性情則可謂知言矣秋潭之不可及者其在性情乎

胡維君曰王李靡天下之風億口同聲公安竟陵一新耳目七子幾於絕響不可謂非一時之豪近有命壇坫者爲靡靡之音輕薄少年趨之若鶩矣風雅正宗一燈未息吾知他日長陽廓

清之功未屑與公竟同論也

楊少晦曰近日所號詩人皆驚於語言馳驟之功而止未有能爲秋潭之所爲者如去弋陽云從古斯民無厚薄祇今此事最艱辛又云估客休誇水碓米秋田半種落花生又云芻多心事難言說有底循良愧頌聲生日云不求時世賢誰能缺正供示諸生云但念風氣頽挽回力無餘豈無一杯酒中懷慘不舒凡賢者憂民之誠忠於民之事與所不得爲而不能自己之意惻然具見他如稻氣水風涼山深六月寒暨宿五臺庵詩皆力追唐賢蟬蛻塵濁 又曰七言古體之豪健近體之流逸足與宋元名家相上下五言則本之晉魏而天機清妙得力於唐人尤

深古體中閒鄰船夜語一篇尤爲卓絕其指事類情告哀託風  
固達於小雅詩人之志而辭氣高古節族微妙正使人得諸繁  
複迂拙之間

趙竹岡曰少晦所標舉皆爲允愜鄰船夜語一篇洵尤沁入心  
脾就近作論之如使者心肝能奉主將軍廉恥可論兵罪言兵  
論宜今日更憶平生杜紫薇辛苦何曾怨行役秣如原是看山  
來此類數十聯樂天之志憂世之懷肫然在抱

禪子居曰秋潭沈毅喜學問能文章切言高論所歷弋陽崇仁  
瑞金吉水振綱舉凡釐條搜目期于大道而後已

佳句有可採者秋風云長松夕照忽搖影落葉空林時有聲懷

人前四句云照人肝膽存青眼臥病江湖狎白鷗苦憶通州官  
舍樹難忘燕市酒家樓病起江湖生別夢秋來天地入孤吟故  
人已有他年約世事須關我輩心朋尊翦燭聯今雨幕府論詩  
憶古人百粵遊回雙鬢短諸侯客徧一身貧相思舊雨非今雨  
惆悵逢君是送君青藤老作諸侯客小杜偏工幕府詩官身苦  
似服轅馬世路難于上水船風日佳時思客共江山好處覺身  
輕籠鶴云素羽雖然能潔白青雲何計得縱橫修禊云上已號  
爲名士節暮春原是麗人天年年草色如江水處處花枝是故  
人青衫白髮人間有快雨清尊我輩同寒食登滕王閣前半云  
江干飛絮替人愁有客傷春最上頭描柳人家多近水吹簫天

氣獨登樓閣中詠藍筆云只道丹心能化血却看良玉已生烟  
五言如風雨思君子江湖惜故人江山歸著述事業在林泉贈  
陳愚谷句也又第五首云於此一扁舟平生黃鶴樓行吟聊澤  
畔揮泪卽江流此夕爲何夕今遊感舊游烟波無限好渺渺共  
予憇桐陰山路淨稻氣水風涼將秋蟲已覺未老髮先知數十  
聯俊逸沈雄各極其妙洵開山巨手也

瓶隱齋筆記

舒白香曰讀書彭家口草廬詩清聲亮節得之天人賞其才我  
賞其才力所不到處觀奇石詩想見作者具許大智慧讀破萬  
卷俯視浮雲舉目有千秋之歎爲可敬耳上張大夫古風七首  
興寄高朗不亞山谷上子瞻古詩轉至散材効微勞亦復豐蔭

馮尤兒卓識院中賞桂花懷錢香樹詩花下定知無俗骨人閒  
何處求仙踪與卽此花身是香樹等語酷似坡公廬州哭王鬱  
林詩格味是漢魏閒人熱腸冷眼落落難合者乃情至耳讀之  
使人增傾蓋之誼廬州戲詠詩云花枝艷雪小家女鶯兒淺黃  
釵面春不辭醉倒金釵側亦恐難爲臥甕人戲詠詩人多不經  
意此真深味唐音有得心應手之樂看他對起雙收自然合拍  
中意匠又定光縣曉行聽擔上雞鳴詩題目奇詩奇意絕可痛  
至能作時至不肯閤其聲物性至誠無利害等語則又非詩人  
矣

定光縣曉行聽擔上雞鳴成句云野人籠雞入市賣出門一鐙



茅店明霜花歷擔春寒曉肩上膈膊雞猶鳴此豈知命有懸處  
時至不肯悶其聲物性至誠無利害細推可以感人情風波港  
謠云東風上水催西風下水樂君看催樂時終愁波浪惡雜詩  
云上山採薇與子療飢日莫途遙苦雨沾衣結交雖多不如獨  
處我思古人可與寤語月落烏啼聞闔門閑羣仙招手花影蓬  
萊一飯沾恩沒身不朽天下之士豈無杯酒載馳驅勿忘步  
塵將安將樂勿忘故人雨後云雨餘爽氣生夕陽照林薄野泉  
奔別礪晴虹下幽壑已看庭草滋更惜巖花落佇空搔首春  
情自漠漠摸樁行賊初起時將至一村集必先得其里一人夜  
則縛以入其里使之以姓名誣門門啓卽殺  
先縛者而又縛此人入其室搜殺已卽又以所縛者叩  
隣之門門啓亦如之搜殺盡一村人無覺者謂之摸樁云夜半

黑風吹怪雨前駢豺狼後猛虎鴟鵂嘯羣作人語妖狐頭戴髑  
髏舞犬不吠雞不號鬼伯叩門求其替以火來照揮霜刀殺人  
如草無喧囂東鄰殺盡西鄰及問客何來開門揖千門萬戶排  
闥入男婦駢頭但柴立尸骸撐拄如邱山祝融入夥飛炎烟以  
人爲燭光灼天羣魔血牙飽腥羶干牛炙萬石傾上馬捫腹腹  
彭亨平原廣廣縱且橫不聞哭聲聞笑聲摸樁摸樁在何處千  
村萬落條條路白蓮花死不迴顧搖旗打鼓前頭去秋夜讀書  
圖云秋林不可極茅屋亂峯深指點讀書處幽人何處尋風吹  
松桂響鬼伴薜蘿吟君聽寂寥夜琅琅空外音守風大孤山懷  
謝讓堂云美人隔秋水白日澹湖光岸遠蟬聲細天高雁影長

晴波捲霜雪別浦入青蒼憶爾一尊酒蓬窗詠夕陽九日斬春  
舟中懷陳愚谷云山色近黃州西風吹暮秋大江重九節獨客  
一孤舟古意憐鷗靜鄉心與雁謀因懷愚谷子久被白雲留風  
木圖云樹靜風不止孝子怨何深寫出終天恨能傷萬古心夕  
陽照流水萬壑動哀音苦調題圖畫淒淒不可吟偶吟云東風  
未送柳條綠已有南雁鳴北林春至誰知二月好別來況是三  
年深天寒翠袖倚修竹日暮幽齋橫素琴徑欲從君摘杞菊煙  
波淼淼愁人心謝弋陽縣事云如此江山如此人一回酌酒一  
沾巾夷吾江左陳丞相處士皇元宋逸民尙想精靈猶昨日只  
論文筆已千春吾曹不朽知何在陵谷空勞悵望頻縣齋後圃

寓目漫興云爛草堆邊瓜苦肥成蹊樹下綠陰稀黃鶯選樹工  
調舌白鳥憎人巧避揮有約風隨飛絮走無情水逐落花歸悠  
然駐目寥天外一片晴雲過翠微傳靳溪山行云信美山中探  
蕨薇麥田驚起野鷄飛東風似遣知春晚亂灑桃花上客衣士  
女云天然格調是天人一朶顏雲看不真寫出名花如靜女東  
風吹曉漢春宮京口望秣陵云風月三千碑萬本江南才調擅  
風流秦淮夜雨秋墳哭京口詩人也白頭道中詠新柳云枝上  
晴烘雪未乾行人走馬店門看千絲萬縷春無主約住東風作  
晚寒却上臨淮舊酒樓風枝和影蕩簾鉤天涯與汝真相識青  
眼看人到白頭又句如秋風薄領人空老舊雨江湖夢亦稀與

世浮沈聊復爾令公喜怒又何人西風殘醉吹難醒曉日青山  
喚欲磨古來天地存青眼我輩江湖有素心乾坤浩蕩容名士  
時勢艱難出異人軟塵隨我渡春水倦馬依人立夕陽我輩窮  
愁惟有骨詩人歌哭豈無端愁多安得有酒伴才退漸覺無詩  
情好把功勛歸汗簡難將官職換名山難脫青山還酒債都將  
白髮換才名江山好處多秋興戎馬中間有故人皆風騷續編  
雨後云雨餘爽氣生夕陽照林薄野泉奔別壑晴虹下幽壑已  
看庭草滋更惜岩花落延佇空搔首春情自漠漠空館對雪懷  
故園因憶城南諸友云小圃積瑤華霽雪澄清夕清光射岩扉  
寒色帶松石飢鳥啄枯樹凍犬臥簷隙挑燈動微吟幽意忽不

迢遞射堂村蕭條楊子宅南村數枝花板橋幾兩屐歲暮關  
河深歸夢阻疇昔一聞蕭寺鐘更懷城南客晚泊九江云寒碧  
一江橫餘霞向晚晴秋深元亮里潮落灌嬰城暗浪搖燈影廻  
風帶雁聲蘆花溢浦岸悵觸去年情送徐玉田

寶麟

署南安郡

丞云太息天涯日暮雲故人落落少知聞相思舊雨非今雨惆  
悵逢君是送君也恐青衫愁司

入

馬誰將蠻語問參軍好烹一

掬芙蓉水消受梅花到夕曛東軒題壁云露下木樨香滿庭秋  
堂燈影夜深青微寒又作瀟瀟雨聽到梧桐酒忽醒黃州憶章  
門諸子云大江春水拍天流萬頃波中一葉舟南浦故人相憶  
否斜風細雨過黃州

渤海詩傳

鄖陽云峯寧雲低夕照沈烽煙凝望氣蕭森泛舟轉栗關河晚  
牧馬防江歲序深豺虎風生窺月暈魚龍水落偃秋陰金城千  
里思飛將徙倚難爲上堵吟晚泊九江及送弟還里卽呈長兄  
時寇氛未熄兄猶領鄉勇從征也云黃柏山前環甲趨不知消  
息近何如弟兄垂老干戈裡妻子驚魂涕淚餘病臥風塵悲伏  
枕愁深兵燹盼來書二千里外春三月歸夢隨君到舊廬國朝雅正集

李宗瓚

萬華

靖安道中云千畝蕭蕭竹籟寒孤村閒抱夕陽殘亂山滿目客  
行路溪水一篙舟在灘鷄犬聲從雲外落松杉影在鏡中看不

須更問桃源渡此地由來號靖安

萬華舟泊靖安聞竹林書聲云深山靜無門幽岩搖空青時聞  
竹籟響入耳清冷冷誰與帶笠者且行且讀經蕭然若世外  
栩栩遊虛冥豈獨輕軒冕且復忘其形倦臥竹根石閑憇竹下亭  
俯仰皆自得天地亦空靈鳶魚活潑潑鏡月常惺惺嗟余慕塵  
網奮飛無羽翎何時從之遊默坐叩元扁

季氏代有作者別有名之芳者亦工詩

譚大勲

字力臣道光拔貢有習  
靜齋詩稿力臣駢體文

力臣性敏嗜學博通載籍留心經世之務名場坎壈旅食諸侯  
其志也詩力追盛唐于婉麗之中極夭矯嶠嵒之致七古間



師坡老澎湃浩渺不可涯  
渌秋潭名滿天下而力臣以窮老終  
才人有幸有不幸至境地所至則未容漫爲軒輊也

古近各體皆精錄其尤者如和張曉峯都轉重陽後一日同登  
黃鵠磯作云黃鵠磯臨大江水高凌垣堞低頭陀使君招我同  
登眺蜿蜒徑開青巒過兵燹之餘始一到頽墉敗瓦悲崇阿舊  
雨大半青燐化或終牖下戕矛戈冷巷潛行避年少裘馬時時  
防噉呵茶舍寬閒容小憇但有茗飲無笙歌收拾乾坤入望眼  
吐納湖海添層波江山四顧莽空濶鷓鴣不來噪燕雀菊花未  
向尊前開紅葉偏從天外落仙人樓殿笛無聲才子魂銷筆久  
闌今日與君補重陽也算姑行及時樂君不見江濤日夜東南

流人物銷歇千萬秋登臨徒生廣武嘆感慨誰共長沙憂又不  
見唐季遠煩回紇助原野歲苦繪幣搜吐番裹甲刼盟會將相  
自啓參商讐藩鎮跋扈軍帥弱興元道險奔龍騶乃知外患基  
內閒逋逃人都奸宄尤安得鞭笞中行背木梟元海頭西望瑤  
池見王母召回霞帔雲裾傳走也覽古增感喟靖邊策獻途末  
由就令破格用人國士待也應位卑言高來衆咻何如從君覽  
名勝捫蘿附壁探岩幽置身絕頂招黃鵠狂歌豪飲凌滄洲一  
洗今來古往之深愁荊州旅感云風雨荊南暮淒涼滯客舟疆  
迷熊子園秋老仲宣樓芳草滋離夢斑衣愧遠游故鄉三百里  
漂泊咸閒鷗宋玉悲秋日桓公宴客年風騷千古思賓從幾人

傳落帽臺仍在誅茅宅已遷我來空洒淚今古此山川劉乙閣

蔡照

文學詩草云奇士今東野名山古繡林土風唱流水小雅  
托哀音游子關河泪美人遲暮心陽春儕下里淒絕鳳鸞吟荆  
州云華路分封地菁茅入貢州蠻方周小國伯業古諸侯夢澤  
遊何屢夸陵火未休打關仍載甲徒倚大江流鼎足爭炎運三  
分此一方江山留正統風火翼真王兒女情何有蛟龍志未忘  
白衣搖櫓日誰識漢封疆王氣無江左蕭梁此建壇附庸開小  
局大敵倚長安萬卷圖書盡全家骨肉殘渚宮尋故事江水不  
勝寒太息羅城啓藩封一代尊分桐來帝子泣路感王孫龍種  
銷兵劫鶯花念舊恩杜鵑歸不得何處爲招魂有感云海宇恬

戛日蠻方蠢動時烽煙傳桂嶺兵甲盜潢池撲滅非無策招安  
亦有詞四郊民困久何以慰瘡痍劫奪村村急萑苻處處屯煙  
迷三里霧鬼哭幾家魂陸掠舟仍繫廬空火尙溫亦曾嚴緝捕  
情事總難言五嶺峯藏霧三江水聚波龍眠春夢穩豹隱夕陽  
多雜氣鍾劉龔雄風啓趙佗天生强悍種獼猴待如何地擅金  
珠利家藏械門資揭竿皆此輩賣劍有前師螳穴隄能潰烏巢  
幕豈支冥冥炎海望陰雨未來時草竊成奸宄先聲壯綠林達  
官汚賊手小挫失軍心任負荷戈重憂來伏莽深常山能伏節  
望古一霜襟兵將不相識誰能驅脰捐戰爭非素習召募亦徒  
然鐵騎充贏卒銀槍舞妙年可憐邨舍護處處斷炊烟大將從

天下番夸靖海濤橫腰無珮玉報國有鞬刀士氣千秋壯勲封  
五等高長城金共倚慎勿厭戎韜望遠愁羈旅憂時感布衣才  
難盤錯試計拙去留非黨惡誅仍在家書到更稀故山眞樂土  
何日寄當歸重有感云嶺外萑苻擾蠻中歲月遷空齋餘涕泪  
獨坐感烽煙觸目皆封豕傷心托杜鵑星岩一憑眺淒絕此山  
川戾氣鍾妖蠱蠻天釀夕陰禍生千里外癰養十年深種落皆  
蕃衍邊陲懼陸沈時平高坐鎮誰切豫防心火雉投營畔池鷺  
關水涯兵糧齋寇賊士卒勾蟲沙撫劍凋虹氣抽刀愧虎牙平  
生名將數刁斗夜頻搥團練非無將山林亦有才老臣仍執戟  
國士豈登臺流俗紛相妒英雄肯自媒鼓鼙聽日夜望眼幾時

開重至漁洋關晤賴鏡河話舊有作云二十年前廣座賓三千  
里外倦遊身名山遍閱歸仍客舊地重來夢亦真親故凋零紛  
涕淚田園寥落悔風塵飛鴻爪跡漁關在誰是黃公鑪畔人鷓  
鴒洲弔禰正平云詞客久隨鷓鴒去我來憑弔此芳洲才難濟  
世文何用狂竟成名死不愁季漢聲華無七子大江封樹已千  
秋漳河疑冢今仍破莫向阿瞞罵未休鄭中雜詠云南汝金商  
割郡州三邊控制小諸侯百年節鉞誰名宦萬古荆襄此上游  
廣谷大川分地險秦鋒楚銳割邊愁我來憑眺思原傑祠宇荒  
涼感暮秋極天橫地古巖疆作鎮今仍重此方輦鼓頻年思將  
帥妖氛累代起均房營開細柳春風暖旗換深秋夜月涼千里

金城籌未雨從來謀國慎邊防九日獨登滕王閣云崇阿猶在  
聞公逝百尺蛟螭眼獨開豈有賓朋千載盛幸無風雨一身來  
珠簾畫棟仍仙館秋水落霞誰異才天外茫茫憑眺共夕陽無  
限雁飛回江南春思圖送人還吳云溪山無恙問姑蘇花柳千  
行盡畫圖歸思定緣春思長不關江上有蓴鱸皆不朽之作  
習靜齋集中如五代史樂府生日仿少陵七歌湘蓮曲皆足韻  
頗古人不媿作者其詠春柳有十分春護水邊樓句尤婉麗

彭人檀

字香樹道光  
舉人官訓導

課諸生云荷檻招羣彥東風橐筆來斯人都沆瀣此地接蓬萊  
苦勵三年學狂思一石才池中有神物隱躍待輕雷木杪仙人

洞宋寶祐中清江郡守王公掣僚佐遊摩崖題名迄今幾五百年無間津者夏五偕友共詣賦詩紀遊云卻訪仙家洞口春輕輿小駟問前津江山暇日容吾輩賓從高風憶古人尙有烟雲通戶牖能無金石委沙塵林巒如此偏無沒莫爲方隅悵隱淪彭氏亦多雋才有名梁字麗亭者以絕巘雲隨人上下長江天塹蜀西東句傳于時

李鴻敏 嗣濟

鴻敏有才名僅傳觀音閣句云露滴飛泉晴蘸雨陰流古殿暮浮烟李氏多聞人又名嗣濟者有藏書洞云洞門生意常留州隴樹春風不到秋句亦有作意



楊福煌

號暉庵 拔貢有六  
山詩草漁洋小記

福煌詩才雄傑惜不多見卓筆山贈關鼎三七古後半云山靈  
愛君詩胆大佐君善詩兼善畫詩中有畫畫中詩詩畫雙清筆  
無價卓立孤高氣象尊衆峯羅列似兒孫漢水爲池天作紙倒  
寫雲烟無墨痕君有筆山有峯筆力健山勢崇君自握筆山之  
東試問山峯與筆孰豪雄尙有興會

關

福

號鼎三諸生  
有補閑吟

峽口漁唱云峽口層巖欲暮天漁郎盡似武陵仙歌聲半雜溪  
聲遠一樹垂楊一釣船連山晴雪云連山積雪白如銀恰到天  
開景愈新斜日石梁巖畔路梅花香送跨驢人

饒錫光

字東樵拔貢官府  
經歷有東樵贅語

錫光與兄觀光夢石孝廉有雙壁之稱

舟發資址云大灘吼奔雷小灘激飛鏃怪石猛虎牙蛟脊勢起  
伏一葉下中流奔騰電影速膽落駭驚濤據舷蠟毛縮耳邊猶  
颼號眼底怒波簇灘過浪欲平形神仍顛顛仰視峽堂惶嵌空  
瀆懸瀑宿霧補斷崖野猿啼深谷仄徑稀人烟危巖結茅屋櫓  
背認桃花老樹雜惡竹我本烟霞客江湘任信宿北逾黃河險  
南窮洞庭目西行溯巴峽東流指淮瀆恹憊事多違半生徒碌  
碌灘勢雖云惡舟楫猶往復以此感人心風波日反覆平地坎  
留生談笑機械感舉足一不慎此身何可淑非不愛林泉何時

成小築垂釣水悠悠採樵山蟲蟲桑麻話村翁錦囊負奚僕薄  
田收黍稌一甕春酒熟任少府邀同楊審岳大令遊觀音閣云  
傑閣臨江一徑開塵衫破帽共追陪花分潘岳城間種人自陳  
琳幕裏來野水聲流烏石澗晴嵐光墮白雲杯譚深那計歸途  
晚戒夜山鐘不許催秋夜云繞戶溪流淨一涯荒園薜荔四圍  
遮半池露冷圓荷葉滿架風涼扁豆花琴劍歸來猶有夢江湖  
老去已無家長空雁斷懷人遠思向烟波訪客艤

興山

國朝

彭光烈

光烈少年嗜詩古文詞應試赴郡恥其鄉學之陋毅然有志於  
聖賢發憤向學習俗爲之一變詩筆茗秀有三月桃花人薄命  
一村流水客消魂之句

李華

字寔生同治  
舉人官主事

華本浙人父官邑尉有惠政沒貧無以歸遂著籍性敏嗜學尤  
工書惜未中壽而卒

寔生爲吾友劉璞齋孝廉高弟子曾誦其題山居圖五律云讀  
盡萬峯巔幽棲別有天煙霞三島外鷄犬五雲邊不改羲皇俗

何知晉魏年。瑯琅清福地。望氣已如仙。

巴東

唐

巴佚民

姓字不傳  
疑出三唐

峽中行者歌云巴東三峽巫峽長猿鳴三聲淚沾裳巴東三峽

猿聲悲鳴至三聲聞者淚沾衣

楚風補

明

楊遇春

永樂舉人  
官司諫

野寺踏青云春晴踏翠過清溪茂樹風輕幽鳥啼弱柳幾株臨

淺水落花數片點香泥莓苔曲徑逢僧話寺壁浮埃待客題倒

著接羅山簡醉夕陽歸馬小橋西

向九州

嘉靖貢生  
官同知

維時

次冠公題山寺韻云青山環古寺江水杳津涯倦鶴投孤嶼驚

猿過別枝花香風外渺樹影月中移驢客分僧供殘鐘不失期  
維時明季諸生定亂云定亂知何策中宵淚眼橫死生原有命  
憂樂總關情鹿逐天難問泉鳴夜有聲賈生今不作痛哭在談  
兵

朱相登用

題山寺云春簷曉鶯聲錯落一洗江天散雲幕愛取梨花春酒  
香攜樽無負山中約花盈高樹柳盈川等芳自有春風樂歌殘  
酒散喚奚奴荷鋤雲裏尋靈藥

登用遊壽甯寺云李白桃紅關春麗禽聲自合香風細勝景撩  
人逸興生踏翠溪頭笑連袂一杯酒勝身後名春光肯遣蹉跎

逝狂歌大笑出山門  
巖穴雲歸雨初霽

司世教

秋風亭故址云秋風亭上秋風起  
風散荒亭咽江水  
臨風懷想  
搆亭人將相  
勲名垂宋史  
於今宋祚已成空  
漫道雷陽老寇公  
惟有巴山頭上月  
年年依舊伴秋風

湯相

遊山寺云尋幽覽勝愛搆朋  
小店馨香酒甕澄  
花笑溪頭遙冠  
客馬穿雲裏  
屢逢僧遊人  
癖有風騷樂老衲  
空談小大乘  
坐石  
山門看絕景  
古松高掛倒天藤

譚祿



一川野草添新色兩岸啼鶯感舊遊

國朝  
柳大蔭

黃牛峽武侯祠云西川誰薄帝王州亘古風雲最上頭  
缺陷伊周一孺子卑微管樂兩諸侯荆江勢阻偏安蜀  
天日光分尚帝劉異代蕭條祠廟在灘聲猶自咽黃牛

長樂

明

田九齡

字子壽有紫芝亭詩集

九齡同懷八人均習儒少從華容孫太史學萬厯間補諸生耽書史喜交游足跡徧兩都相與倡和者多當時名彥詩冲淡大雅聲調諧和武昌吳明卿爲之序客美司以詩名家者自九齡始田元以下及五峯司張之綱輩皆繼起者也

秋色云秋色隨鴻到人情逐水流滄浪洲上月身世兩悠悠鴻雁天邊度流年暗裏過黃金與白髮莫漫怨蹉跎登五峯山懷鵬初兄云步出遙天騁望奇白雲寒色坐相思談詩澤國銜杯處折柳章臺握手時對客何曾羞犢鼻逢時翻自悔蛾眉怪來

不遣三秋鴈南望蒼梧莫可期醉後卽事云試摘繁香泛叵羅  
夜來明月隱天河愁臨絃管歡娛少坐老風塵慷慨多棄婦豈  
應土媚熊酒人時復發狂歌乘酣拔劍聽雞舞卻怪雄心未耗  
磨閨怨云郎逐征人去書隨塞鴈來莫將沙漠外剗卻望鄉臺

張之綱

字中孚五峯土司

之綱父應龍常從胡宗憲于萬厯間出征播州封武畧將軍雅  
好詩書手不釋卷工四六善詩歌五峯張氏代以文雅相尙皆  
其所開也八子均延名師教之之綱性剛寡欲博通經史廣交  
名士羣從皆能詩之綱尤清矯拔俗世述錄稱其人人有集奕  
葉清芬叢爾山微間尤非易致惜集多不傳

田元字太初容美司

子霈霖

元世襲宣撫使崇禎初年中原寇發遣子霈霖輩援勦襄鄧房  
竹間所至有功晉宣慰使嗜文喜士春秋佳日名流宴集笙歌  
酬倡爲當時所艷稱

甲申除夕感懷詩

有序歲運適於維新老人每多感舊余受

先帝寵錫實爲邊臣奇邁赤眉爲虐朱弗多

漸悲感前事鳴咽成詩以示兒子霈霖輩

各宜欲言遂相率步韻命日笠浦合集

云飛光悲鴈盡一夕

尙今年坐嘆龍韞杳誰攀義轡還舊恩難遽釋孤憤豈徒懸縱  
說青陽好笙歌輟市廛兒童未解意栢酒過相勞會飽誰家粟  
難看改歲桃酸心聽畫角伏枕厭鈴鞬逆數經年過驚蓬轉泛  
刪終歲蹉跎晚重新可奈何愁先青鳥至眼轉白駒過往事歸

春夢流光付逝波。未堪言代。謝意氣隱消磨。隔宿分新舊。斯時  
匪往時。閑心嗟過客。冷眼盼殘基。虛抱三閭憾。誰將一木支。許  
多慷慨意。寂寂壓雙眉。燈燭輝如畫。庸關守歲心。繁華暗欲歇。  
歌鼓漫催深。栢酒仍同昔。辛盤少頌今。等閑佳節候。歡喜變悲  
吟。送文鐵菴先生往施州云。對此新亭酒。甯堪麥秀悲。救時雖  
有畧。用武欲何施。遵渚瞻鴻羽。宜麻輟鳳池。愁聽望帝血。淚灑  
峴山碑。北闕勞魂夢。東山暫委蛇。幸邀安道訪。難釋紫芝眉。炊  
黍遵前約。牽衣問後期。竹郎餘勝槩。石室有芳規。教澤原無遠。  
從來照不疲。又贈相國有文能。移俗居何陋。經可傳人隱。亦賢  
句。亦蘊藉可人。

需霖字雙雲官本司宣慰使有鏡池閣詩和大人除夕感懷云  
心慵無所似梅藥飽胸酸共濟憐秦越和衷媿范韓危言朝野  
少死事古今難白馬清風渡何人間故官皇皇堪自弔痛在失  
君時往事三更夢浮名一局棋長吁歷魏晉屈指筭千支莫作  
宜春字看來不展眉兵戈驚滿眼都是赤眉塵長嘯書空字捫  
心叩淨因鬼呼新夜雨人怯早花春但得親嘗健長纓自許身  
轉眴光陰疾難更不染心山河愁世改帶礪想思深歷數渾非  
舊人情頓是今離騷聊自展一讀一悲吟陪文相國觀雨中白  
蓮云淨洗鉛華曉鏡中清香披拂倚微風不移玉井千年色較  
勝西湖十里紅贈佩解憐珠粲粲浚波偏稱雨濛濛當筵幸有

灊臺客詠賞應拚醉碧筒

既霖宇夏雲元仲子繼兄爲宣慰使有止止亭詩和大人除夕  
感懷云獨憐將盡夜反側自忘勞莫問連昌竹空悲露井桃堂  
階停舞袖樂部罷鳴鞀把舵無三老驚風任掣剗書生敦大義  
豈盡設儒酸藹足誰存楚揮戈孰戰韓遐思創業苦方信守成  
難漫遣今宵憾能言不繫官承平十一葉令節鬪紛奢詎意鴻  
鈞轉俄成鑄錯差愁聞新曙鼓痛惜舊天家定省今宵事明王  
夢已還歲序將分日留連共此時樽前頻看劍燈下懶敲棋誰  
任神州責還祈半壁支五陵佳氣在未必盡朱眉坐嘆山河舊  
蕭蕭舉目塵杞人憂已久梅市諫無因祖享誰家牘王正改歲

春來朝望北闕還是歷朝身獵火照山林梅花驚我心啣杯留  
夜永剪燭忘更深魚袋佩猶古銅駝感見今壁間蟲語響唧唧  
似秋吟淮陰侯云四百炎劉一手提侯生難保況王齊從來縛  
虎屠龍客未有機權制牝鷄鄂城懷古云百戰山河感慨中荒  
臺何代舊王宮霸基幾度歸秦火故物千年泣楚弓月冷兔園  
賓客散香銷巫峽雨雲空相過無事頻回首自古興亡恨總同  
楚詩

田

圭

信夫容  
美土司

子商霖

圭元弟沈重喜學好賓客耽文史詩娛酒情著作富有與姪輩  
人自一集經東湖文鐵庵相國華容嚴平子太史評陽點定爲



一家言

長樂舊爲長陽地禹貢荆梁之域秦漢皆入版籍通志謂元以前爲蠻荒地明初始置土官以攝廢之 國朝雍正始改土歸流土官多尙武略容美田氏頗事詩書至圭尤崇尙風雅尋年酷嗜文藝善爲古文詞嘗徵江漢名流輯廿一史補遺計日自課某日讀某經閱某史至某處用小印志之故所著撰皆典贍風華

山居詩云編竹爲籬壁自愛樸而古烟雲繞我廬趺坐鳴天鼓一溪鴨頭水兩岸鶯嘴花有酒常閑酌宛然陶令家留別伯兄云雙溪橋下杜蘅香雙溪橋上客斷腸馬首西東各分向欲行

不行春恨長

商線字珠濤博士天鼓鳴感賦云上天本無言奚爲數有聲搔  
首問碧落母乃亦不平旣非絲與竹又非鏞與鉦陰陽自摩盪  
其音何錚錚初如風雨驟又如波濤驚須臾似蜂攢變作沸釜  
羹彷彿非一狀使我心怵怵嗟彼殺機發淫氣干太清星辰木  
石怪亦足兆佳兵矧此變非常敢信是休徵烽燧三十年歲歲  
苦相撓若更罹陽九甯不哀此憚我念高高上皇矣必好生願  
回赫然怒聽此蟻蝨鳴

國朝

田甘霖

字特雲有  
敬簡堂集

子舜年

甘霖太初第三子性警敏嗜書弱冠補博士弟子員先朝壬午

入楚闢以荒服之士裔應賓興之制科洵振奇之士入 本朝  
相繼領本司宣慰使詩在義山長吉之間

和家大人除夕感懷云痛惜中朝黨相傾枉自勞文人誇御李  
勇士但爭桃遂觀周遷轍誰爲魯播桃花源如可問還願引漁  
舸忠溪雜詠云不愛奔競各奏能一溪流水在家僧草亭未許  
探奇字宗旨還憑說上乘已任馬牛隨世喚寧藏面目免人憎  
少年萬斛愁分半日逐村醪減數升

舜年字韶初號九峯宣慰使有白鹿堂集權餘吟清江紀行等  
詩稿善詩文喜交游康熙壬戌以功晉太傅左都督

楚地之容美在萬山阻絕人境卽古桃源也宣慰田舜年頗嗜

詩書予友顧天石有劉子驥之願竟入山訪之盤桓數月甚被  
崇禮每宴必命家姬奏桃花扇亦復旖旎可賞蓋不知何由傳  
入也云亭山人筆記

山居云一榻宜閒性攤書興未降村農勤覓酒熟客厭驚  
龍水落添清響樵吟送遠腔山容多變幻不憚日臨窗帶影尋  
溪上閒心數泳魚選藤充几杖品石伴圖書緩步乘佳興孤遊  
勝索居雖云殊汗漫自喜得常如聞蔣玉淵先生與嚴平子毛子霞  
諸先生同集黃鶴樓爲九老會兼有清詩之選云遙聞江漢聚  
耆英黃鶴樓前杖履輕高士舊爲三徑主德星近傍九秋明方  
瞳待辨荆山璞直釣應收渭水璜捧袂青雲難驟得渴中長自

仰金莖寄子霞先生云江城風物近時青爲有奇人把袂行上  
客由來令楚重仙翁端合作韓兄優游極浦蘭舟遠縹緲高樓  
玉笛橫誰道在山爲遠志僅從天際望長庚

田泰斗

字一山

讀九峯公一家言云橫絕英雄筆干霄氣象迥一朝宏典策半  
部小春秋宜慰邦之彥將軍儒者流摩崖碑在否洞口水悠悠  
欲徵千古信須備一家言石走星胡墜詞荒事莫論汗功收塞  
外血泪洒都門如此忠勤迹差堪示子孫我亦周遺子豪情鄙  
孟嘗葵心甘向日槐穴恥稱王雨露 熙朝渥衣冠漢代香抱  
經懷祖德非敢聘詞場

鶴峯

國朝

龔傳瑜

田九峯宣慰墓云異代英雄多奇特破碎山河自成國  
阨際中原逐鹿時一隅猶爾甘草澤夜郎自大膺專城  
蝸角蠻觸皆替纓田氏累葉雄容美九峯將軍尤錚錚  
將軍制作藏內府舊事翻成新曲譜紅梅白鹿風雅擅  
惜哉再傳失疆土阡碣矗立溪橋邊苔封碣字紛不全  
石馬縱橫臥榛莽松風蕭穆搖蒼烟陌上過客行行止  
太息冢中人不起有兒高建歌舞樓曾擬仲謀與亞子  
歌殘舞榭空悠悠深山杜宇春歸愁欲訪遺跡故老  
盡溪聲日夜西向流

邵生樓

望鄉臺云蜀山趨入夔陵止鶴峯山附蜀山尾勢如江流欲出  
峽盤折奔騰逞奇詭就中望鄉臺最高巍巍我我入青霄斗州  
廣袤八百里挺拔居然羣山豪此山正當我門牖終日瞻眺耶  
至酉今來躡足高峯高始見羣山下界走林風颼颼振長空呼  
吸之間通蒼穹極目天低鳥沒處中隔雲烟千萬重峭壁老樹  
欹不折怪禽飛出虎豹穴暗泉淅瀝晴如雨陰岩猶留太古雪  
我行至止方清晨石室人語猶可聞獨立蒼茫百端集嗟爾東  
西南北人

田福康 士選

有龍潭古鼎歌尙奇矯可誦而他著不多見又有名士選者挖  
蕨云得飽不須天雨粟積勞勝獲禹餘糧餽團絳雪干溪月杵  
發輕雷萬谷霜典雅稱題惜不多傳

李靜安

水寨  
諸生

靜安喜讀書父力田輒命之春靜安手一編且春且讀米無完  
粒後爲名諸生鶴峯設學額自靜安始

紫雲宮後半云北臨古洞禪心寂南挹中峯道法崇日暮鐘聲  
林外聽有人說法似生公

田玉疇

重過韭菜壩云朝經宿雨人初過晚值新炊客欲分



毛峻德

嘔酒云板屋團團坐歡呼挈一瓶白波揚寸管紅友吸仙醺雅  
勝郭笥集魂招楚客醒吹噓力不藉一任笑酩酊

洪光燾

有野老新傳栽蒔訣土人初譜插秧歌之句尙清越可誦

湖北詩徵傳略卷四十目錄

郎縣

明

劉俊

曾得祿

鄒浩

王思沈

國朝

楊應祚

張淩雲

張澤

方信遠

房縣

宋

三朵花

明

陳良公

國朝

徐兆奎

竹山

明

薛緯

王諍

國朝

杜世英理

張其達弟其慶

張源浚

杜觀德弟光德

竹谿

國朝

李昌平

謝思謙

李榮春

盧志道

保康

明

杜文寧

國朝

陳策

王明善

汪文雄

吳聯祥  
樹棠

鄧西

明

寇玳

熊魁楚

國朝

溫秀儒

梁桂林

李成林

李玉簡

吳步雲

許禮容

夏世槐

鄧秉忠

葉年棻

楊卿雲

陶煥甲

陳宏謨  
弟宏猷

林正蕙

梁尙華

姚松齡

恩施

宋

詹邈

明

童昶

李一鳳

陳止

張問禮

國朝

褚上林

王家篁

弟家翁

尹其璋

周炳先

田岱雲

賴朝陽

張光杰

段延澤

胡正棻

宣恩

國朝

田文錦

胡倬詩

來鳳

國朝

王廷弼 子煜

張峻

張鈞

何盛矩

楊逢祥

黃宗器

張鴻範

何遠鑒

饒琳

咸豐

國朝

蔣士槐

利川

國朝

牟承五

鄧賢才

李耀瑚

建始

國朝

秦應光

范述之

范佑正

范佑廉

湖北詩徵傳略卷四十

鄖縣

孝感丁宿章星海輯

子璿校字

明劉

俊成化舉人有山居集

俊謹訥不妄交閉戶讀書時人希識其面工詩語多雋峭

邑志

曾得祿

宏治進士官主事山海關副使有鎮東草

得祿性磊落不務瑣細出鎮山海關威惠并著有詞翰名所著鎮東草惜不傳

鄒

浩隆慶舉人

浩博學能文寡言笑志恬退不樂仕進平居以詩酒自娛足跡不履城市

王恩沈 貢生官訓導

思沈官襄陽獻賊陷城謂妻羅氏曰吾官雖微敢辱國求活耶  
同赴明倫堂書絕命詞于壁曰殺賊雖無勇報國同有心夜臺  
携手去應免白頭吟對縊于楹之左右月餘面如生

東袁參嵐云羨君敲句似參禪掉鞅文場四十年酒泛青樽來  
舊雨歌成白雪入新編山頭老屋蒼松覆檐際飛泉白練懸何  
日間身扶短杖相逢一笑落花前

楊應祚

順治貢生官知縣有南游草

旅夜聞杜鵑云千里夢回家自遠五更啼罷月初低誰言鳥是  
無情物也似殷勤勸客歸

張凌雲

字舒翼乾  
隆拔貢

凌雲以孝友聞春秋佳日與同里藍樹趙晉基劉澤源花墅聯  
吟詩哀然成集

張澤

訪竹云平安消息竟難通惆悵園西更畝東塵世難逢君子節  
舊山還問故人風門尊蘭若千重綠路隔桃花一面紅似我清  
狂原不俗也應相見笑吟同

方信遠

畫竹云誰畫青青竹數竿堂前日日報平安潑將水墨痕都沾  
梁山生枯筆未乾別有春秋千日醉並無風雨一庭寒主人珍



重時藏篋客到誰能不問看

房縣

宋  
三朵花

三朵花房州人許安世嘗通判其州以書遺東城謂吾州有異人嘗戴三朵花莫知其姓名郡人因以三朵花名之能作詩皆神仙意又能自寫其真

畫經

姓李氏隱於福溪巖每戴紙花三朵入市市人圍繞爭呼之但笑云休打裏休打裏者房人方言猶云莫要如此也有二三老翁常從之遊間入山邀之入城飲酒輒語使先去我當便來翁還城李已先在同詣酒家錢盡而興未已李探手於腰間小竹

簋中取錢索酒至醉三翁竊視其簋空無所有李自取依然隨  
手滿案如是久之忽與人告別不知所屆原隱處石壁塑像猶  
存郡人記其一詩云戴花三朵鎮長春誰識元中不二門醉裏  
自傳神似活終當不老看乾坤尾句或云不知不覺到黃昏蓋  
每醉時必寫真雖兵戈之後尚有藏之者

夷堅志

蘇軾三朵花詩學道無成鬢已華不勞千劫漫烝砂歸來已看  
一宿覺未暇遠尋三朵花兩手欲遮瓶裏雀四條深怕井中蛇  
畫圖要識先生面試問房陵好事家

東坡居士集

明  
陳良公

良公性迂納而以孝聞績學爲當時冠詩古文詞書畫鑄篆無

不工妙

國朝

徐兆奎

澆竹云似君清節有誰傳更洗簣簞萬个幽泉脈細疏三徑石  
水光分潤一簾秋風塵肯令淹佳士湯沐從新到故侯各有心  
苗資灌溉燥身同作七賢游對竹云偶顏寒碧作軒名涼夜披  
襟見性情直節自成千古契高風相對六朝清鶴眠蟬定各無  
語茶鼎琴絃時一鳴獨坐幽篁人不識舉杯邀月話平生聽竹  
後半首云琴絃不動忽如雨鶴夢乍醒微有風永夜蕭蕭清不  
寐秋心搖曳月明中

竹山

明薛

緯

嘉靖舉人官同知有牽絲集

緯初試令西安嘗曰治疲民當用恩恩則人感而易興治劇邑當用嚴嚴則人畏而易服可以觀其治術矣歸田以著述爲事詩古歌行豪邁有金石音

鄭小紀

王

諱

嘉靖進士官貴州巡撫僉都御史

諱七歲卽能屬文文典麗堂皇及入詞林一時制誥皆出其手歷官中外廿餘年丰骨凜然詩雅近義山

三楚文獻錄

國朝

杜世英

字瓊友號蓮亭雍正貢生官訓導

寫意云畫長何所賴觀物腐情微幾樹榴花艷一池魚子肥尋窠蜂結隊採食鳥防饑浮蟻憑深酌能驅睡魔稀峽山道中贈

別周魯貽云路出秦關山萬層西南何幸得良朋  
堊花香剩三春雨草榻光分一夜燈並馬披襟譚往事斜陽暮古拜荒陵而今忽作江頭別繾綣離情不自勝

理字炳文號敬庵乾隆舉人蜀中送人歸山左云浪跡天涯道路偏三年看遍蜀山川雲迷楚岫思千里月冷岷江夢一船作客我猶同斷梗曰歸君已著先鞭家園秋色知相待何惜囊中買酒錢

張其達

字再敏雍正貢生官訓導

弟其慶

寄錫蕃弟云十載傷心路酒杯不復雙夢隨湏口雁人隔漢陽江皮骨知誰健鬚眉未可降偶然歌一曲清冷自成腔

其慶字錫蕃雍正貢生官訓導辛巳冬殘北陸景短青袍漸故  
白髮日新慨年光之冉冉撫人事之寥寥乍涉筆以成趣時擊  
壺而爲歌云老去關心事霜天喜早晴竹窗迎霽色鳥語雜春  
聲手煖常臨帖朋來時對枰茅簷共孫坐笑語信天生暮懷云  
出門何落寞難得性情真不謂人皆醉復誰我與親長竿淹碧  
浪孤劍老風塵渺渺懷焉寄梅芳坐夕晨

張源浚

字亦樓乾  
隆拔貢

鏡湖泛月云閒泛何須問簫鼓開樽傾倒得吾儔湖平漾漾天  
如水河淡垂垂夜似秋月上聞鐘來玉宇風迴移我坐瓊樓應  
知今夕爲何夕枕藉還同夢鶴舟

杜觀德

字輔長號霍麓乾  
隆進士官布政使

弟光德

關山月云關山月明如晝白如雪不照金閨照城窟秋風颯颯  
起征衣行人山上寒凜冽秦樓歌管何紛紛夜半高燒紅燭新  
爲唱邊歌遠不聞長枕大被愁殺人巫山高云巫山高與天齊  
秦之東楚之西地近崑崙望欲迷涇渭水流湯湯我欲從之訪  
高唐朝雲暮雨空徬徨使我泣下沾衣裳遠如期云遠如期望  
春歸春燕來春雲飛春燕來有時春雲飛無依竝立空庭心悄  
悄滿徑落花無人掃花開花落總不知如玉容顏妝前老暮春  
云南國春云暮羈愁逐日新砌花開笑容梁燕語譏人消渴甯  
無酒解饒卻有萼漫將佳歲月老我在風塵

光德字晉齋號虹山東方漸明云牆上寒鷄號喔喔門前車過  
搖征鐸強起加衣僵手脚老僕爲我收囊橐東方漸明星灼灼  
殘月半天猶未落送張亦樓劉丹峯潞川何松亭李雲門北上  
兼寄恕堂南暄云富貴誇庸目低頭愧固窮一門凋盡戟十載  
賣花驄路出幽燕險人多慷慨雄憑君求舊侶知我寶雕弓九  
尺須睂客儒冠不悞身黃金天下士青草夢中人棄取惟明主  
行藏只老親楚雲千片白回首及餘春亦樓楊柳門前路東風  
去一朝青山催酒盡白雁付書遙仙侶遺瓊佩金昆得錦標可  
從歌舞地山水憶漁樵丹峯潞川捧檄如毛義家貧仕轉難夕  
陽千里暗村雨一人寒黃草收騏驎朱門引鳳鸞御橋三日騎



都傍少年看

松亭雲門

鴉帶朝陽影瓊林借一枝帝城雲裏夢

春樹雨中詩騰躍瞻龍虎遷流撫歲時故人楊與李何以慰相思

竹谿

國朝 李昌平

字小魯號東山嘉慶進士官郎中

昌平提南宮初授中書入樞垣值三藩用兵頗資贊畫詩宗中晚具有家法九日陪司慎五廣文暨及門諸子登龍山云上方避俗少風塵雅集何須論主賓白髮無情先到我青山有意更畱人小詩自笑難酬債此會須知亦夙因且喜吾門賢弟子強拈險語鬪清新

謝思謙

號秋谷嘉慶叔貢

山中與諸子秋夜步月云難得當頭見能生絕壑幽幾人今夕  
月萬古此山秋觸處成追憶隨時足唱酬從知仁者樂妙理靜  
中求

李榮春

字雲橋道光拔貢

九日登文昌閣效迴文體云秋山萬樹捲寒濤木落吟風對濁  
醪幽菊有香新綻蕊艷才驚爾獨題糕樓通碧徑雙林出岸繞  
青峯一堦高流水映空飛雁遠洲蘋白泛冷颼颼山中雜詠云  
頗怪錦屏遠障翻疑畫軸遙橫炊烟收時月上山雨過處寒生  
又云長松撐老榦蒼蒼占孤嶺鳥鳴林壑幽寺古煙霞冷有時

白雲歸半峯看鶴影四圍峭壁空中有仙人屋招尋入深幽古  
洞迷脩竹巒影澹松風鬚眉淨寒綠

盧志道

種竹云繞屋都宜著此君和煙和雨當花耘秋扶籬落靑全活  
春隔人家綠乍分蹟影忽迷三徑月搖空新補一窗雲從今贏得  
蕭閒味燒筍香中酒半醺

保康

明 杜文寯

字謚軒萬曆歲貢官  
知縣有春暉堂詩集

文甯少穎異屢困顛聞以歲貢除開縣令廉慎嚴明在官八載  
盜輯民安雅工吟詠所刊春暉堂集惜未之見

國朝  
陳策

策讀書十行井下有神童之稱撫治楊公懋勛以百韵面試于清美堂俄頃立就惜未冠卒

王明善

字元夫道  
光舉人

明善少失怙事母至孝勤學敦品善詩古文詞與兄明福友于甚至一日偶離輒悵然若失由拔貢領鄉薦年未四十卒易簀時猶有蹉跎未畜三年艾零落空悲一樹荆之句

汪文雄

字彝仲

燕京歸興云欲焚游俠傳空羨五陵豪歲月荒三徑風霜逼二毛隱當知老拙禪不爲名高燕市謝知已歸山匣寶刀不再勞

車馬扁舟卽是家風沙依水淨花鳥入春賒暫卧灘頭月閒看  
江上霞五湖原有路漁釣亦生涯

吳聯祥

字雲千咸  
豐拔貢

樹棠

懷劉夔丞有云秋深楓葉路人瘦菊花天之句尙可誦

樹棠字潤蒼諸生贈林岱青邑侯云軍興十餘年最酷惟捐政  
光溪本瘠貧輸將漸告罄使君慎持籌寬平勝嚴峻上不誤轉  
輸下不爲民病案牘無羈畱虛堂高懸鏡好惡與民同仁愛關  
至性樹靜鳥安棲波平魚游泳政成在民和觀斯言而信

郎西

明冠玳  
嘉靖歲貢

祇除廣元令吏治簡靜不喜紛更引年歸頗事吟詠有松蔭肥  
苓終歲果苔生子貝四時茶之句

熊魁楚

字半庵崇禎  
歲貢官訓導

魁楚工書善詩教授生徒實踐躬行不徒以文藝見長嗜詩苦  
吟成癖有行驚狼虎通宿覓樹林遮樹深禽語亂溪漲水聲狂  
之句

國朝

溫秀儒

字碧泉  
貢生

秀儒少饒儻淹博文筆豪放迥異時蹊適情詩畫善寫梅竹卽  
畫成詩無不膾炙人口家赤貧以教讀供饗殮卽竟日斷炊直  
鬱鬱如無事者然嘗語人曰士貧而多才生秉天地之清氣也

被膏梁子有幾通人與其富而濁何如貧而清故出語輒不落  
凡響著述甚夥皆燹于兵

梁桂林

石人山七絕頗有寄託云巍然獨峙萬山尊願倒滄桑事漫論  
天柱東西傾已久要憑隻手補乾坤

李成林

擬古云山上無蘼蕪山下多荆棘攜筐行復行愁向春風立春  
雨艷林花春水漾溪藻芳原不見人斜日低歸鳥

李玉蘭

字春谷  
歲貢

玉蘭惘惘無華讀書務實學雅工吟詠遺稿成帙惜燹于兵有

勵學詩十首頗傳于時句如云從知道理無窮極豈得功夫有盡頭志願不隨流俗圖功名祇作等閑看鍊材要鑠鎔金火成器須磨琢玉刀鑿開理窟諮詢切打破疑團講辨多磨窮玉骨天應泣竭盡珠胎海亦愁功如涉遠須從邇勢若登高必自卑白首無聞徒已矣青年不再卻如何皆有得之言

吳步雲

字乙峯道光歲貢有詠史詩鈔

步雲少嗜書而厄于貧遊市廛爲人作簿記傭夜輒讀書達旦十年不懈遂冠童軍爲弟子員性儉樸有古風博學工詩著詠史百篇

許禮容

字了夫



禮容少岐嶷嗜學工詩古文詞有天馬山歌爲時傳誦云山簇  
簇水淙淙卽山萬古留奇蹤臨河怪石岸巖數千仞昔人云是  
天馬所駐之高峯馬自何時來洪荒旣闢後馬從何處馳煙雲  
供奔走君不見巨魚縱壑鴻乘風厥初亦溷泥塗中又不見尺  
蠖求伸龍奮跡飛騰不礙乾坤窄壯哉天馬曾稱王房星耿耿  
分瑤光麟虎爲姿壯神氣巖巖潛伏庸何傷食場繫維不可得  
九天隱爲鐫銘勒世有騏驎與驊騮聲稱在德不在力控秦蜀  
馭荆衡羈絆詎從塵世受顧視直同雲水清旣不爲馱驢泛駕  
縱狂走又不爲駑駘伏櫪長哀鳴天骨開張氣深穩養晦羞與  
羣驥爭天生神物不終匿會遣風雷助行色九皋伯樂爲憑式

授以轡兮增以飾大起鴻圖佐 皇極又歌云天風吹墮房星  
圓欲落不落蒼崖巔幻出神駿肆狡獪有時躡藉馳雲煙巨靈  
蟲顧小伸手劃然一聲崖洞剖鑿開萬古之胚胎第覺沙石飛  
雷雨吼天公鞭叱龍媒走龍媒龍媒今未還天然片石畱人間  
嵌空三字大如斗薛紋零落苔花斑噫吁嘻天生騏驎自有數  
萬里一息千金顧安能羈絆巖壑間雲深月黑無人處君不見  
天馬西來東道通上籀雲漢追天風俯視九陌紅塵紅憶竹云  
苦從林下憶前因難得吳儂作主人可有平安通舊訊定知瀟  
灑健閒身別來千畝饒猶在涼到三湘夢未眞五月十三生日  
日莫應沈醉洞庭春買竹云輸值客分別院春萬竿涼月賺來

新論將風骨原無價拼得金錢爲買鄰在我祇償名士聘有人  
翻笑故侯貧幾家池館難賒取畢竟看須問主人

夏世槐

游竹筏寺云險僻躡危巖風月開晴宇峯巒互迴合蕭寺偃山  
鳴扣關入禪室樹石皆蒼古樵唱別溪梁漁歌隔秋浦煙雲起  
目前變幻誠難數萬慮霎時空徙倚坐廊廡清磬一聲圓松花  
濺如雨渡春橋晚步云甘老衡門伴薜蘿每當佳日涉春坡此  
心久證巖顛石不礙煙雲變幻多

鄧秉忠

過天河馬頭巖云舟泊天河水羣山列回互一峯劈面來怪石

巖巖露傍人謂馬頭稱名何謬誤既具騏驥材合翔天衢步胡  
爲羈嚴阿維繫甘朝暮不鳴溪水澄鼓鼯風雷怒跼蹐亦可悲  
何由馳雲路聞鐘發深省古寺渺煙樹

葉年棻

冬初游懸鼓觀云望裏皆圖畫閑亭客到稀風吹黃葉下鳥逐  
白雲飛北郭橫蒼藹南山挂夕暉煙嵐看不盡樵唱隔林歸登  
山尋春云六十年來放浪身天涯走徧事尋春尋春那管春何  
處路不桃源亦問津

楊卿雲

字星衢貢  
生官郎中

華蓋山謁張丞相祠云華蓋山圍丞相宅荒涼人吊夕陽岑參

差碧樹自煙雨變幻白雲空古今徑草淒迷愁過客野花開落  
養春禽遭逢白首休嗟晚何處重聽梁父吟

陶煥甲

山居漫興云結廬差喜對巖阿佳日何人載酒過芳草當春沿  
路長垂楊臨水綰愁多雲生山麓深藏寺日暖茅簷近倚柯風  
雨遠從鄰叟約頻將笠屐學東坡

陳宏謨 弟宏猷

北隅耦耕云溼雲起斷巖細雨灑芳陸不見城北隅萬頃春畦  
綠薄藹山前路新晴雨後天人來頻叱犢青劃一犁煙山居敦  
古風但識力田好漠漠青疇中舉趾天方曉溪居卽事云起居

惟自適心與世緣疏  
磐石坐流水垂竿不在魚  
小步循山麓鐘聲出翠微  
日斜雲斷處荷笠一僧歸  
天曠開晴霽幽溪暮藹生  
水枯蓮葉老畱聽作秋聲

宏猷從軍行饒有古樂府遺音  
云年少羽林兒騎馬刀出鞘誓  
掃賊巢空畱買青樓笑去國三  
千里辭家五易春豈不念父母  
黃金戀殺人甲士空林立無計  
挽天河將軍別有意其奈蒼生  
何

林正蕙

正蕙少有詩名如塵夢隨流水  
詩情戀夕暉馬上殘陽憐過客  
水邊叢木集昏鴉等句殊不媿  
爲作者

梁尚華

黃山遠眺云黃山橫郭北列巘繞城東芳草易爲綠夕陽無限  
紅鐘聲搖冷月花韻舞回風觸目多生意春來便不同

姚松齡

字趾厚  
諸生

松齡雅擅詩名性好游足跡幾徧天下友人誦其春日登天臺  
山二絕云振衣一嘯踏香塵澗水流紅慣引人寄語東風休孟  
浪桃花零落不成春落花流水自閑閑百折丹梯任往還啼鳥  
一聲春去了煙雲何處辨神出吐屬風流丰神跌宕而寫劉阮  
事在若有若無之間亦極得詠古之體

恩施

朱詹選

邇邑乘鄉賢選舉志僅誌元祐三年應博學鴻詞科第一而不  
及其他何其略也邑饒子維比部有過詹鴻博胡里詩比部名  
應祺同治進士

明童

昶

字明甫官總鎮有  
周正考樊川詩集

昶本合肥人曾祖輔永樂時調施州衛指揮世襲僉事遂占籍  
焉昶性孝文博學能文有勇略平獠向能及蜀寇粵彝俱有功  
宜賓李石琴先生曰舊藏童都督所著周正考其考據精賅筆  
法酷似檀弓洵爲善本至楚詢之竟無人知者邊徼生材湮沒



尤多可慨也

清江云清江之水來施州與君夜宿江上舟我與清江最知己  
戀戀欲流欲不流君不見清江水淺蜀江深蜀水不似清江清  
清江若有蜀江大此水當擅天下名我昔與君別又似別此水  
來年我若還此水鯤當起奉憶黃溥云人與春皆去鶯花惜別  
離馬便來日路民有去思碑藥苦還堪味岐多慎勿悲一言能  
悟主洗耳豸冠時石乳山云界分楚蜀控喉咽諸葛遺踪俗尙  
傳一鎖南封千里地雙峰高柱九重天華夷今古關防立草木  
春深造化權我忝書生有邊寄辦香心緒託前賢羊角山云羗  
羊溪口石爲門度馬盤多欲礙雲未信陰崖春不到幽花偏自

笑斜鴈都亭山云竊慕平泉力不支好奇心與物皆奇愚公豈  
是真愚者見好溪山便欲移畫屏山云雲屏四面逐春開正馬  
先尋嶺上梅忽見好山如素識十年殘夢記曾回瓦倉東接畫  
屏山山信多緣我再看喚作畫屏猶未識郭熙重起畫應難仙  
女池云鶴質雲容去渺茫遠山如對蜀宮妝絳紗不繫當年臂  
池上紅蓮歲歲香

李一鳳

字岐陽萬歷  
舉人官同知

一鳳初知貴池以廉惠稱致仕歸築大莫園以課子弟徜徉溪  
山人罕得見其面

大觀閣云樓船不繫欲何之高閣中流一柱支勢挾浮雲迴燕

崔影沈滄海駭蛟螭鶯花好助三春色山水能開萬古奇信是  
大觀名勝地錦帆涇接竹王祠

陳止

字對滄貢  
生官州判

止博學工詩硃砂溪云煉藥山人失名姓硃砂化石溪如鏡早  
來溪上訪仙踪何必覓除勾漏令

張問禮

號立齋萬厯舉人官知州  
有虎溪居士集澄心錄

問禮知睢州以忤魏瑞降通判告歸鄉人稱爲金玉君子

邑志

成山書院云解組研經志未灰對山小築讀書臺掃將天外塵  
氛去引得源頭活水來展卷夜闌燈映月栽花雨後翠侵苔十  
年不翦當窗草萬種生機且自培

國朝

補上林

號青農貢生有  
香霏山館詩

上林制行不苟淡於仕進而性嗜吟咏曾客游江漢間有所作  
人多傳誦詹湘亭賜綺堂集中采錄尤多馮展雲學使訪求遺  
稿深加賞識樊鑒庭軍門爲梓其詩以傳登連珠塔有云四面  
煙雲空倚傍一城樓郭認高低之句可以概其襟懷矣

湘亭夫子以所作施州兩生行賜示賦呈誌感云凌雲才筆溯

當年賜綺榮叨製錦先

甲辰召試行在  
會拜文綺之賜

吏老漢廷無黑獄

人言蜀道有青天一官證到心如水七字吟成骨亦仙底事經

綸偏小試山城處處聽歌絃相得驂驪過北原驚駘無力愧攀  
轅未從虛室邀冰鑑敢向元亭載酒樽地僻那堪懸馬帳才疏

妾欲托龍門三生幸  
傍經帷侍一辯  
心香盡日溫下榻  
湘亭師衙齋  
蒙以盆蘭作伴  
且寵以詩依韻奉酬  
云桃李春城滿幽花  
種自官鋤分絲雨  
細窗護絳雲  
寒手植饒清艷  
心香結素懽  
托根欣得地  
蕭艾莫同看  
葉翦分青盎  
牙抽挺碧簪  
寫來詩格老  
夢到國香深  
玉立風生佩  
珠拋露滿襟  
盆山依小桂  
各自抱芳心

王家篁

字竹田

弟家筠

湘亭夫子以所作施州兩生行賜示賦呈誌感云  
抵掌籌邊腹貯兵  
相如論蜀筆縱橫  
開招山影來浮白  
除是江流許比清  
我到扶風眞後起  
人言問月印前生  
夜郎例有詩仙謫  
載酒誰傳

弟子名

家鈞字滋圃嘉慶拔貢有聽雨樓詩集敦行嗜學爲邑侯詹湘亭所知肆力詩古文詞馮展雲學士爲序其集而刊行之

清江樓晚眺云清江城似畫向晚一登樓挂樹啼猿小歸林去鳥幽萬山斜照冷孤澗暮煙收古月今宵問杯中影自留奉和湘亭夫子招同門諸生載酒奎星閣集飲金粟花前之作云猶是談經奪席容眼光秋色氣千重閒情雅愛琴隨鶴法曲遙聽笛引龍北郭少年邀器識南樓老子許追從登臨正值催詩雨飽蘸天香筆露濃高寒詩骨聳脛肩何止文章北斗懸四境棠陰雲結舍三秋桂影月當筵難攀丹轂同梯遠敢向朱衣借鉢

傳今日香名天上記雙鳬飛去便凌煙

尹其璋

字禮南貢生官訓導

其璋篤志經史老而不倦性方嚴不苟言笑晚年學益粹躬行實踐爲後學矜式

奉和湘亭夫子奎星閣集飲之作云四圍山色寫秋容奎斗光臨第一重此地高寒宜跨鶴幾人聲價許攀龍振衣頂上金鸞冠搖筆毫端玉兔從幸踵後塵連步進憑欄指點桂香濃此日登樓笑拍肩樓頭四面彩雲懸雲中咳唾生珠玉雨後香光泛几筵金粟前身參妙相青蓮雅曲得眞傳南州高會畱佳話醉墨淋漓氣吐煙

周炳先

字星橋貢生官訓導

奉和湘亭夫子奎星閣集飲之作云洗到秋山雨後容登梯直  
上最高重樓無暑氣能留鶴樹引風聲欲化龍分得清香誰管  
領拈來佳韻謝賓從一襟涼露涓涓滴吹落枝頭桂子濃先生  
雅愛聳詩肩珠玉頻罪顙顙懸此日斲輪操玉斧幾人懷筆侍  
瓊筵冠山力弱輸鼇戴閣在鼇脊峯頂畫壁詩成待雁傳遙擬來秋重  
奉杖木犀影拂鄂江煙

田岱雲

字作霖

奉和湘亭夫子奎星閣集飲之作云玉樹煙含帶雨容秋光一  
抹影重重振衣此地來攜鶴破壁何人看畫龍樓上三層憑汲



引香分兩袖喜追從欄杆自有天香拂不比尋常露氣濃幾度  
循牆止及肩登臨不見月初懸丹黃一樹歸詩筆蒼翠千山撲  
酒筵悟到妙香參鼻觀敢忘嘉植附心傳戴筐同看光芒燭掃  
盡南州百里煙

賴朝陽

字丹鳴

奉和湘亭夫子奎星閣集飲之作云鰲山鷺嶺大包容也抵滄  
洲一萬重閣外天香幡引鹿尊前人影筆雕龍斲輪匠氏裁成  
妙推轂門生少長從料得朱衣先點首墨華更比露華濃後塵  
敢望齒隨肩七字驅珠百顆懸秋色平分星入座古香團結月  
張筵由來丹桂三生籍澈底清江萬口傳便擬勒碑鰲脊負瘴

雲消盡藹爐煙

張光杰

字偉人貢  
生官訓導

全秀才福殉難辭

時年七  
十二

云老秀才老秀才時危矣避速哉秀

才答言君不曉一生讀書已到老猾賊如此恣猖狂猶猓嗜人  
如刈草蚩霧蔽青天妖氛迷白日大府誠何心一卒竟莫出草  
莽欲起一旅師無人可賦同仇詩傷哉氣節鬱未張中途遇賊  
殊倉皇賊眾直縛秀才往謂是妖頭脅之降秀才罵賊不絕聲  
蠢爾么麼何縱橫一時忠義憤發身不顧聲泣風雨氣挾雷霆  
激昂慷慨輕死生一賊起云殺之快老頭巾耳何足愛一賊起  
云釋之便畜老憚殺况人面秀才之節窮且堅不畏威武不受

憐怒罵之聲仍凜然不恤頸血濺賊刀忠魂飛散雲天高秀才  
頭銜不足奇秀才一死有維持無官無守且如斯嗚乎無官無  
守且如斯

段延澤

字春圃  
詩生

邑侯王筱華殉難詩云倚劒空城力不支援兵望斷羽書遲凜  
梁一片無情月照見孤城喋血時收骨時經秋復春紛紛士馬  
盡成塵凜然面目還生氣呵護端知有鬼神

胡正棻

字芷塘  
貢生

雙古銅印歌云清江水擁蠻雲走幪布俛錢俱腐朽剩有青銅  
雙印存時移已落田夫手田夫見之輟耕歎忭躍祥金獻長官

董鼎大書太師爵蜀鏡錯記乾德年始知元代金甌破西國精  
夫距寶座吹角驚降巴子蠻提刀割據夜郎大懸持此印耀山  
中樊罩相鄭拜英風願貢黃連三千石願輸赤米十千種想鈐  
此印爲符籙焚僮侏姬皆奔懾甘心負弩先前驅甘心吹蘆從  
野獵天星忽墮旄頭妖風捲狼煙頃刻消那識沈沙千載鐵猶  
堪磨洗認前朝唐絲屈曲宋文古薙尾龍鱗起舞龜頭之上  
每年譜印兮印兮畱完膚身備蠻王命官書光暈人爭誇古物  
摩娑我更發狂吁當時若削撐犁號手捧鹽山奉漢詔白狼能  
歌歸義詩錢王定入昭忠廟君不見將軍肘後懸黃金史官列  
傳紀功臣公孫妄自尊西蜀終是蛙鳴井底春

宣恩

國朝

田文錦

字子城貢生

文錦父璉富而好禮崇師尊儒鄉里賢之文錦幼穎敏嗜學工文能詩喜施與能承父志著有詩二卷惜未見

文錦有寨峯記文筆冪衍具柳歐之長又有晚坐句云峯高先得月柳瘦不禁秋

胡惇詩

有理趣亭詩集

惇詩性明敏敦內行工舉業精詩古文詞晚年究心理學躬行實踐里黨稱之

來鳳

國朝

王廷弼

號斌夫嘉慶拔貢有寸  
丹吟碧秋山館詩稿

子煜

廷弼博學能文章有幹濟材嘉慶元年白蓮匪起佐邑令勦賊  
以功叙官母老不赴時論高之

有憶云萬里玉門關  
流人幾見還  
大荒飛鳥外  
殘驛夕陽間  
此地難埋劍  
何年看賜環  
英雄流血淚  
落草卽成斑  
詠懷云  
朝聞橫吹曲  
名唱勅勒歌  
秋風送都尉  
落日弔伏波  
中軍懸將令  
明當渡黃河  
酣戰資黨進  
說降賴隨何  
好生不好殺  
天心仁愛多  
長平四十萬  
念之淚滂沱  
甘學師殉難  
詩云廣文學  
官耳一死不  
爲愚守土雖  
無責尼山亦  
有徒讀書明  
大義臨難識  
眞儒愧彼干  
城侶空畱血  
肉軀奉親命  
赴郡乞師云  
遠害非無計  
難違

白髮親教移忠作孝未許我猶人翦翦風盈袖團團露壓巾書  
生圖報國敢憚馬蹏塵故國難回首孤哀自激昂淚零嗟楚覆  
椎奮痛韓亡菽水虧春晝征鞍帶曉霜如何甘效逆猶信禮空  
王

煜字曉樓拔貢生有冬青館詩草狀頤而黑目炯炯精光外射  
賦性聰穎讀書目數行下于左騷漢魏之書無不成誦工詩古  
文辭排冪縱橫動與古合陳愚谷太史序其詩有杰材之目

嘉慶丙辰之亂予年尙幼家大人道軍中本末甚詳乃捃拾故  
實作樂府四章白巾賊備述脅從之寃也云裹白巾披白衣懸  
白帳豎白旗一身挂白一家白道是白蓮臺上蓮花師拜鑑誦

經咒一飲醉似泥得死以爲幸異哉氓蚩蚩無字空中賊之旨  
賊中老母尊莫比但知飯佛不知身引頸餐刀笑不止就中亦  
有呼號聲半皆鄉曲脅從耳賊中脅從多復多可憐無知罹網  
羅焦頭爛額等閑事洞腑穿腎可奈何錄囚爭送司命府受降  
殺降誰活汝迷途一入無生途盡室駢誅何自苦天可憐幾人  
雪爾盆下冤他生生長太平年再莫佛前拜白蓮野有屍傷死  
者不盡國殤也云朝殺人暮殺人賊兵鬪殺人鄉兵仇殺人生  
靈十萬幾家存無處紙錢弔新鬼無處淨土尋荒墳死不得葬  
葬亦不得保其身可憐屍骸如山積春草芊芊都化碧杜鵑啼  
斷枯樹枝明日便作西歸客莊令尹歎縣官之能報國也云臘



月來二月死官不及七旬令尹事畢矣令尹不要錢雖死賊手賊亦憐全屍瘞墻下時平歸骨九仙山公子庶衣易棺看先軫如生萬人歎駕鶴應來丁令威持矛空感公孫瓚丈夫讀書當報國城亡與亡令尹職太山鴻毛一死分靈旗壯哉山川色甘廣文幸見危之能授命也云廣文老無力難禦跳梁賊日閉冷署不出聲賊脅公降不可得賊曰不降便殺之公曰丈夫死耳肯降賊讀聖賢書學何事如此偷生媿臣職賊勸不絕口公引三尺綬明倫堂上授命時英靈聯步莊公後莊公先亦廣文官琴堂鱣舍兩相歡一時同入昭忠祀名在豐碑神在天

張

峻

字小山  
拔貢生

登迴龍山訪唐開元寺遺蹟云羣山起伏乘雲走矯若游龍昂  
厥首歟然回顧從西來天公暗銷黃金紐頭角崢嶸向碧天舒  
張鱗甲生雲煙偉哉造化鍾靈怪其中應有飛來仙傳聞古佛  
曾居此梵王宮殿參差起借問駐錫來何年三郎沈醉爲天子  
版圖庸必附明皇寺號開元屬渺茫我登絕頂尋遺跡恍同末  
世談洪荒樵夫拍手向余笑胡爲灑淚來憑弔阿房仁壽俱塵  
埃于桑萬海誰能料一聲長嘯謝山靈斷碣殘碑目未經金粟  
如來何處訪斜陽一片數峯青九日與友人登飛仙閣云凌空  
傑閣鎮崔嵬此日登臨倦眼開我輩相尋佳節到名山也幸可  
人來消除俗客塵千斗奉勸金仙酒一杯爭笑劉郎狂興減題

糕不敢負詩才飛來高處作重陽共笑狂奴老更狂入眼雲山  
供嘯傲側身天地感滄桑聊斟濁酒酬千古欲上層霄覽八荒  
仙佛有緣同一醉歸家各帶菊花香登望遠峰云仙人招我躡  
丹梯絕頂高吟望不迷脚底雲扶飛鳥上耳邊風送斷猿啼峰  
如健馬奔三蜀水似游龍下五溪但恐謝公游不到驚天奇句  
共誰題亂後登城云豺狼盤踞亦稱雄西勇南兵競戰功無數  
樓臺經劫火有情花鳥怨春風圓城短樹參差綠繞郭夕陽寂  
寞紅何事饑鳥啼不住人家寥落淡煙中

張

鈞

字蓮舫  
貢生

天聖石柱歌云羣山如龍不肯住飛騰都繞富陽去一山戴石

作虎蹲上有天聖立石處石柱胡爲在此邦州分富順境相望  
蠻觸所爭僅蝸角虔劉豈憚盤羊腸天禧之中略用武夫子桓  
桓來夔府窮鳥已見號琯弓小河無須畫玉斧股慄耳帖垂十  
年蠻雲墨墨生烽煙邊吏不敢告天子羽書夜達刺史前刺史  
指揮出雲棧蠶爾小醜何足辨天上將軍下史方馬前夷長降  
田晏巉巉之石堅且圓爲之界破混沌天詳記叛服分畛域大  
書歲月深雕鐫南人自此不復反七女柵前春風滿持護常同  
神物看摩挲敢忘天威遠蠻方撐拄經元明毛髮畢見光晶瑩  
一朝變化挾雷雨響徹林木藏山精吁嗟乎金人何處長承露  
石馬誰家終守墓白石黃金有盡時天傾地陷亦常數此物當

年在人間久與咸平鎮百蠻我今駐馬尋殘柱洞雨溪風暗二  
關亂後歸來蒿萊滿目登城四顧愴然於懷云鹿子鳴空峽將  
軍盡斷頭生還無勇士死戰惜良謀野火青燐聚春波碧血流  
西樓時縱目怪石不勝愁吾愛劉光世臨危敢策兵一軍橫隘  
巷羣賊泣孤城不忍原燎火胡爲夜拔營至今橋下水嗚咽有  
哀聲高鳥翔朱雀殷然夜入城三更乘鼠竄一怒作蛙鳴有土  
誰司命無家更苦兵搔頭問天意何以慰蒼生舉室生還日風  
光漸不同柳迎虛巷綠花待故人紅民氣蘇新霽天心兆屢豐  
綢繆須未雨澤畔尙飛鴻鳳山泉云一脈香通鳳嶺巔在山泉  
勝出山泉洗來俗耳人應笑清到詩脾我欲仙候鼎時聞風颯

颯不波自沒月娟娟從今要與生公約調水無符莫浪傳

何盛矩

字伯方道光舉人

遊佛潭云山色蒼蒼高浮天溪聲汨汨平入川山耶溪耶兩清  
絕巖端忽湧千葉蓮城東古寺壓山腹牟尼隱現珠光圓鬼伯  
蠻君列四壁金身趺坐中高懸丹壁無梯那可上奇哉造化工  
雕鐫飛樓湧殿奪天巧直自林麓窮其巔手剔苔蘚尋斷碣字  
跡猶識咸康年憶自胡羯犯嵩洛司馬家兒方南遷中原衣冠  
化塵土夜郎萬里無烽煙帛姓妖僧來身毒奉持神咒誇通元  
腹孔拔絮發光怪錦衣雕輦事尤虔聽民奉佛制非古遂令荒  
徼遙相沿厯億萬劫恒不壞睂放白毫照大千坐閱滄桑數千

截面目剝落神常全偶來小憇借僧榻到門六月風蕭然老藤  
翻空瘦蛟舞檐端滴瀝聲濺濺潭水炫綠深不測舊聞此處沈  
鐵船大旱欲雨禱輒應簫鼓驚起癡龍眠道人延客忘禮數苦  
茗新汲溪流煎擾擾塵世苦醉夢雲山佳處心神便繁華過眼  
喜清淨英雄末路思逃禪我思不朽可立致人壽何須金石堅  
如來聞言應大笑不圖作佛遑云仙烈女井云白蓮花在泥滓  
偶出污泥生誓托清流死花落香風拂井水井水無波風來苦  
多古井無波風奈何我於兒時聞孫烈女父溺母出女時年十  
五莫慰母心謂他人父烈女之生遇獨苦曹娥碑凱風詩女以  
一身兩兼之母不貞生何爲兒完貞死已遲身是女貞木豈容

鵲巢其枝飲泣訣母披髮呼天母也不諒下從阿父黃泉是  
時六月晝忽冥冥雷砰硠風悲鳴一躍入水天爲驚水不波雲  
密布一屍在水神常護屍出三日面如生蛟龍遠避蠅蚋無聲  
只恨難回慈母心亦如古來忠臣不得於君父汨羅江上哀厠  
平江水濁何如井水清井以人傳千古名碑已折泉已竭烈女  
之名常不滅女媧石補天缺避亂山中感懷云干戈阻絕寄山  
村翦紙來招亂後魂起舞問鷄呼祖述對談捫虱愛桓溫酒漿  
已罄哀東國鎖鑰誰堪付北門寄語南來諸將帥好乘元夕奪  
崑崙

楊逢祥

字吉人嘉  
慶拔貢



大旺司館中云野館寒燈夜未眠更闌猶聽水潺潺遠村鷄唱  
雲深裏山寺鐘鳴夕照邊千个竹斜朝雪影一林春暖午晴煙  
靜中妙趣知誰得不用高僧也學禪

黃宗器

字板橋

遊鳳山大觀寺云鳳嶺迴翔意氣橫翠光直鎖半邊城閑花滿  
野風無色好水環山月有聲秋早忽聞來旅雁春深記得語流  
鶯禪關解脫非難事更失千秋寂寞名

張鴻範

字羽儀貢生官訓導  
有培桂山房詩集

鴻範詩經陳愚谷太史序行惜不多見太史稱其武昌懷古七  
律過洞庭七古爲杰作必非虛譽惜未之見

募勇爛柴崗示諸同事云釃酒將心白椎牛歃血紅與君盟皎  
日大樹起雄風家國仇須報安危志要同自慚才術短弩力望  
羣公

何遠鑒

字葆山

南郡書院對月云瀾漫山色擁青螺夜靜江聲聽轉多我有遙  
情寄明月人間天上總蹉跎地僻宵長更鼓遲橫天北斗影參  
差一庭風月無人管塔影凌霄自主持

饒

琳

字月樵  
諸生

哭莊明府云乾坤莽蕩起烽煙爲國捐軀豈偶然宦轍已悲春夢  
短遺民爭頌使君賢危疆自昔無城郭曠典于今享豆籩閩海

忠魂飛不到子規啼血自年年哭甘廣文云苜蓿堆盤苦備嘗  
何期厄運遘黃楊官非守土生何害職在明倫死不妨縱使招  
魂滿天地可憐延頸報君王聖朝曾錫褒忠典俎豆長同泮藻  
香

咸豐

國朝 蔣士槐 貢生官訓導

士槐司訓漢皋與彭棟塘趙秋萃諸名士文酒之會酬唱鉅篇  
艷傳人口

利川

國朝 牟承五 字建極號龍五貢生

承五少有遠志不讀無用之書嗜詩工制舉文聞夏觀川太史主講江漢往從之游學益富詩古文詞尤博大淵深聲名藉一時後生多所成就而以明經終所著盈尺亦多不傳

鄧賢才 貢生

賢才有著作才而性肫誠以孝聞聞撰著甚富惜菟訪未得

李耀瑚 字嘉慶進士官知縣

耀瑚少岐嶷能文通籍始畱心著作而詩尤工官雲南有政聲

建始

國朝 秦應光 康熙舉人官知縣

應光幼穎慧八歲能詩家貧甚值全川多事之日苦志力學艱

險備嘗及官浙川勤敏有政聲仕不廢學著述頗富

春日山行云時清身暇作郊遊寶騎銀鞭山徑幽寒氣逼梅開  
燦爛倦林棲鳥叫輟輟無才自合甘貧賤玩世呼憑作馬牛白  
髮催人春易老長歌行樂莫夷猶

范述之

字泉麓乾隆舉人官訓導有自有堂詩草

述之篤內行以孝聞再任江夏訓導時夢蛇盤井闌隨擊以杖  
而蛇腹現三千三百七十三七字因口占云清福世間消不盡  
惟予涼德更何堪從茲歲月當珍惜三千三百七十三

元夜

銅鼓凸作

云雪霽寒猶冱村醪供取攜卻看明月上不覺晚風

淒四井餘鎗火三川尙鼓輦總師新拜命傳是舊安西巡戍至

野三關贈龍一菴云山鷄佐饌屢稱觥極目干戈白髮生烽火  
南通巴子國羽書西過酉陽城借才鬻序勞冰鑒蒐甲田疇尙  
水畊一菴練鄉兵禦寇兵集而民不擾毋情毋驕君自省腐儒未許妄譚兵盈  
盈一水壓層巒橫劍高峯並馬看小醜漫云同瓦注雄關此日  
藉泥丸戈鋌畫擁溪雲動刁斗宵沈嶺月寒兩字功名何敢論  
男兒莫負此心丹

范佑正

朝陽觀云朝土西峯霽色鋪琳宮紺宇卽蓬壺盪胸雲氣成文  
錦到眼嵐光入畫圖樹引清風醒鶴夢花含細雨溼蜂鬚呼童  
掃葉煎新茗水挹天池味自殊

范佑廉

弔晏陞墓云衰草迷離古墓寒殘碑未讀意先酸匹夫慕義心  
何壯下隸殉君世所難遂谷無人收髣髴荒原有地葬衣冠佳  
城纍纍知多少正氣如公永不刊